

T-5

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva unutrašnjih poslova, Vlada Zeničko-dobojskog kantona, na 109. sjednici, održanoj 16.06.2021. godine, donosi

ZAKLJUČAK

I.

Utvrđuje se Prijedlog Zakona o izmjeni i dopunama Zakona o javnom redu i miru.

II.

Prijedlog Zakona iz tačke I. ovog zaključka se upućuje u dalju skupštinsku proceduru, po skraćenom postupku.

III.

Zaključak stupa na snagu danom donošenja.

Broj: 02- 02-2555 /21
Datum, 16.06.2021. godine
Zenica

DOSTAVLJENO:

- 1x Ministarstvo unutrašnjih poslova,
- 1x Stručna služba Skupštine,
- 1x Stručna služba Vlade,
- 1x a/a.



Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na ____ sjednici održanoj dana _____ 2021. godine, donosi

Z A K O N
O IZMJENI I DOPUNAMA ZAKONA O JAVNOM REDU I MIRU

Član 1.

U Zakonu o javnom redu i miru-Prečišćeni tekst ("Službene novine Zeničko-dobojskog kantona", broj: 12/16 i 6/17), u članu 3. stav 1. iza tačke 28. dodaje se nova tačka 29. koja glasi:

" 29. ko ne postupi po naredbi nadležnog organa kojim se propisuju mjere za zaštitu stanovništva od zaraznih bolesti."

Član 2.

U članu 6. iza tačke 4. dodaje se nova tačka 5. koja glasi:

" 5. za prekršaj iz člana 3. stav 1. tačka 29., novčanom kaznom od 100 do 500 KM".

Član 3.

Iza člana 7. dodaje se novi član 7a. koji glasi:

"Član 7a.

Novčanom kaznom od 500 KM do 2.000 KM, kaznit će se za prekršaj pravno lice ili imalac radnje koje ne postupi po naredbi nadležnog organa kojim se propisuju mjere za zaštitu stanovništva od zaraznih bolesti (član 3. stav 1. tačka 29.).

Za prekršaj iz prethodnog stava kaznit će se odgovorno lice u pravnom licu novčanom kaznom od 200 do 1.000 KM.

Član 4.

U članu 10. dodaje se novi stav 3. koji glasi:

" Svim pravnim licima ili imaocima radnji-obrtnicima, njihovim odgovornim licima ili licu kome je povjereno vođenje radnje, za prekršaj iz člana 3. stav 1. tačka 29. ovog zakona može se izreći zaštitna mjera zabrane vršenja djelatnosti u periodu do šest mjeseci.

U istom članu, u dosadašnjem stavu 3. koji postaje stav 4. riječi:" 1. i 2." zamjenjuju se riječima:" 1, 2 i 3."

Član 5.

Iza člana 11. dodaje se novi član 11a. koji glasi:

"Član 11a.

Službenici policije vrše kontrolu provođenja naredbi iz člana 3. tačka 5. i 29., te člana 7a. ovog Zakona i poduzimaju mjere i radnje iz svoje nadležnosti, samo ukoliko je to izričito navedeno u naredbi".

Član 6.

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:
Datum,
Zenica

PREDSJEDAVAJUĆI SKUPŠTINE

Ćazim Huskić

Obrazloženje

I – PRAVNI OSNOV

Predloženi Zakon o izmjeni i dopunama Zakona o javnom redu i miru donosi se na osnovu člana 37. stav 1. tačka f) Ustava Zeničko-dobojskog kantona.

II – RAZLOZI ZA DONOŠENJE ZAKONA

Zakon o javnom redu i miru- Prečišćeni tekst objavljen je u „Službenim novinama Zeničko-dobojskog kantona“, broj: 12/16 i 6/17.

Donošenju Zakona o izmjeni i dopunama Zakona o javnom redu i miru pristupilo se na inicijativu Grada Visoko. Podnesena inicijativa podrazumijeva utvrđivanje zakonskog osnova za postupanje policijskih službenika na području Zeničko-dobojskog kantona u cilju provođenja naredbi nadležnih organa kojima se propisuju mjere zaštite stanovništva od zaraznih bolesti, što bi im omogućilo viši stepen samostalnog postupanja na terenu, ali i provođenje mjera za zaštitu stanovništva od zaraznih bolesti.

Cilj predloženih izmjena i dopuna Zakona je da se policijskim službenicima Uprave policije Ministarstva unutrašnjih poslova Zeničko-dobojskog kantona, daju što kvalitetnije i preciznije zakonske odredbe, kao instrumenata u zaštiti sigurnosti građana koji borave ili se kreću na području Zeničko-dobojskog kantona.

Predloženim izmjenama i dopunama akcenat se daje na kontrolu provođenja naredbi nadležnih organa kojima se, u skladu sa posebnim zakonom, propisuju mjere za zaštitu stanovništva od zaraznih bolesti, ali samo ukoliko su policijski službenici Uprave policije Ministarstva unutrašnjih poslova Zeničko-dobojskog kantona izričito ovlašteni na osnovu takve zakonito izdate naredbe.

Zaštita zdravlja stanovništva se kao jedan od segmenata lične sigurnosti, nameće kao svrha i imperativ donošenja Zakona, posebno ako uzmemo u obzir aktuelnu sigurnosnu i epidemiološku situaciju, odnosno težinu posljedica koje nastupaju.

Radi svega navedenog, imajući u vidu činjenicu da se radi o izmjeni jednog člana i dopunama pet članova Zakona koji su bitni i čije izmjene i dopune će olakšati rad policijskih službenika u primjeni ovog Zakona, predlažemo donošenje Zakona o izmjeni i dopunama Zakona o javnom redu i miru u navedenom tekstu i to po skraćenom postupku obzirom da nije u pitanju obiman i složen Zakon.

III – PRAVNA RJEŠENJA

- Dopuna člana 3. izvršena je kako bi se propisao novi prekršaj, shodno gore navedenim razlozima.

- Dopuna člana 7. izvršena je shodno predloženoj dopuni člana 3. ovog Zakona, a kako bi se definisale sankcije za prekršioca prekršaja.

- Dopuna Zakona novim članom 8a. izvršena je u cilju propisivanja sankcija za prekršaj koji bi počinilo pravno lice koje ne postupi po naredbi nadležnog organa kojim se propisuju mjere za zaštitu stanovništva od zaraznih bolesti, u skladu sa članom 3. stav 1. tačka 29., uz navođenje raspona novčane kazne koju smo smatrali pravičnom i realnom, uzimajući u obzir već Zakonom propisane sankcije u odnosu na težinu prekršaja.

- Izmjena i dopuna u članu 10., koji se odnosi na zaštitne mjere za počinioca prekršaja, izvršena je propisivanjem zaštitne mjere zabrane vršenja djelatnosti svim pravnim licima, njihovim odgovornim licima i imaocima radnji-obrtnicima uključujući i lice kome je povjereno vođenje radnje, u periodu do šest mjeseci, za prekršaj iz predložene tačke 29. u članu 3. Zakona.

- U članu 5. predlaže se novi član 11a. kojim se propisuje u kojim slučajevima policijski službenici Uprave policije Ministarstva unutrašnjih poslova Zeničko-dobojskog kantona, mogu vršiti kontrolu provođenja naredbi i preduzimati mjere i radnje iz svoje nadležnosti, sa ciljem jasnog razgraničenja nadležnosti u postupanju u odnosu na druge nadležne organe.

- U članu 6. Zakona, zbog hitnosti u postupanju, propisano je njegovo stupanje na snagu narednog dana od dana objavljivanja u Službenim novinama Zeničko-dobojskog kantona.

IV – FINANSIJSKO OBRAZLOŽENJE

Predložene izmjene i dopune Zakona o javnom redu i miru ne iziskuju dodatna finansijska sredstva u budžetu Kantona.

OBRAZAC IZJAVA O FISKALNOJ PROCJENI

Obrazac IFP NE

A 1. Obrađivač propisa

Razdjel	KOD	NAZIV
	1501001	MINISTARSTVO UNUTRAŠNJIH POSLOVA ZENICKO-DOBOJSKOG KANTONA

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	PRIJEDLOG ZAKONA O IZMJENI I DOPUNI ZAKONA O JAVNOM REDU I MIRU - PREČIŠĆEN TEKST					

C 3. Izjava o nepostojanju dodatnih fiskalnih efekata predloženog propisa


Provođenje Zakona o izmjeni i dopuni Zakona o javnom redu i miru - prečišćen tekst neće rezultirati fiskalnim posljedicama na Budžet.

D 4. Pečat i potpis odgovornog lica

Ministar Đani Pačić

Mjesto i
datum

Zenica, 21.04.2021. godine





Broj: 07-02-6052/21
Zenica, 04.05.2021. godine

Primljeno: 07.05.2021			
ORGANIZACIONA JEDINICA	KLASIFIKACIONA OZAKA	REDNI BROJ	BROJ PRILOGA

MINISTARSTVO UNUTRAŠNJIH POSLOVA

PREDMET: Mišljenje na Prijedlog Zakona o izmjeni i dopunama
Zakona o javnom redu i miru – Prečišćeni tekst - *dostavlja se*

Ministarstvo finansija je razmotrilo Prijedlog Zakona o izmjeni i dopunama Zakona o javnom redu i miru - Prečišćeni tekst, koji je dostavljen uz Vaš akt broj: 08-02-06/1-02-1-910/21 od 22.04.2021. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutrašnjih poslova
UPRAVA POLICIJE

Primljeno: 07.05.2021			
ORGANIZACIONA JEDINICA	KLASIFIKACIONA OZAKA	REDNI BROJ	BROJ PRILOGA
080206	1-02-1-910-2/21		

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U tački IV dostavljenog Obrazloženja Prijedloga Zakona o izmjeni i dopunama Zakona o javnom redu i miru - Prečišćeni tekst, navedeno je da predložene izmjene i dopune Zakona o javnom redu i miru „ne iziskuju dodatna finansijska sredstava u budžetu Kantona.“

U dostavljenoj Izjavi o fiskalnoj procjeni – Obrazac IFP-NE od 21.04.2021. godine, navedeno je da „provođenje Zakona o izmjeni i dopuni Zakona o javnom redu i miru - prečišćeni tekst neće rezultirati fiskalnim posljedicama na Budžet.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbijediti samo Ministarstvo unutrašnjih poslova, kroz uštede ili unutrašnje preraspodjele sredstava.

S poštovanjem!

Dostavljeno:

1x Naslovu,
1x a/a.

MINISTAR

Josip Lovrić



**MINISTARSTVO ZA
PRAVOSUĐE I UPRAVU**
Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutrašnjih poslova
Ministarstvo unutarnjih poslova

Ministarstvo unutrašnjih poslova
n/r ministra
ovdje

Primljeno: 12. 05. 2021

ORGANIZACIONA JEDINICA	KLASIFIKACIONA OZNAKA	REDNI BROJ	BROJ PRILOGA

Zenica, 10.05.2021. godine

Veza vaš broj: 08-02-06/1-02.-1-910/21 od 22.04.2021.god

Broj: 06/04/1- 02-6052-1 /21

PREDMET: Prijedlog Zakona o izmjeni i dopunama Zakona o javnom redu i miru u Zeničko-dobojskom kantonu- mišljenje, dostavlja se

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15), i članom 31. stav (1) tačka b) Poslovnika o radu Vlade Zeničko- dobojskog kantona („Službene novine Zeničko-dobojskog kantona“, broj: 5/11), te na osnovu uvida u tekst Prijedloga Zakona o izmjeni i dopunama Zakona o javnom redu i miru u Zeničko- dobojskom kantonu (u daljem tekstu: Prijedlog Zakona) dostavljenom aktom veze, u postupku pravne analize Prijedloga Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15), daje se

MIŠLJENJE

Ministarstvu za pravosuđe i upravu je aktom veze dostavljen tekst Prijedloga Zakona o izmjeni i dopunama Zakona o javnom redu i miru u Zeničko- dobojskog kantona, radi pribavljanja mišljenja u smislu člana 31. Poslovnika o radu Vlade Zeničko- dobojskog kantona („Službene novine Zeničko-dobojskog kantona“, broj 5/11).

Uvidom u odredbe Prijedloga Zakona utvrdili smo da je dostavljeni akt usaglašen s navedenim propisima.


Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Zakona, Ministarstvo ne snosi odgovornost.

Poštovanje,

Dostaviti:

1 x Naslovu

1 x a/a



MINISTAR

Nebojša Nikolić



Quality management system
ISO 9001
- Customer focus
- Customer satisfaction
- Continuous improvement
- System/process effectiveness
www.tuv.com

ID 15 100 1710072

Bosna i Hercegovina, Zenica, Kućukovići br. 2
telefon: 032/ 460 740 i 460 741; Fax: 032/460 742
e-mail: min.pravosuđe@zdk.ba,



282

01
13.04.2021

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutarnjih poslova
UPRAVA POLICIJE

MINISTARSTVO UNUTARNJIH
POSLOVA
n/r ministra
ovdje

29. 04. 2021

REDNI BROJ	BROJ PRILOGA
08-02-06/1-02-1-910-1/21	

Zenica, 28.4.2021. godine

Vaš broj: 08-02-06/1-02-1-910/21 od 22.4.2021.

Naš znak: 03-02-605-1/21

02

PREDMET: Stajalište o Prijedlogu Zakona o izmjeni i dopunama Zakona o javnom redu i miru - dostavlja se

Sukladno članku 2. Uredbe o Tajništvu za zakonodavstvo Vlade Zeničko-dobojskog kantona („Službene novine Federacije FBiH”, broj 8/96) i („Službene novine Zeničko-dobojskog kantona”, broj 2/05) i članku 31. stavak (1) točka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona” broj 5/11), a na osnovu uvida u tekst dostavljenog Prijedloga Zakona o izmjeni i dopunama Zakona o javnom redu i miru, u postupku utvrđivanja usklađenosti istog s Ustavom, pravnim sustavom i metodološkim jedinstvom u izradi propisa dostavljamo, sljedeće:

STAJALIŠTE

02-06

Ustavni i pravni temelj Prijedloga Zakona o izmjeni i dopunama Zakona o javnom redu i miru (u daljem tekstu: Prijedlog Zakona) je pravilno utvrđen.

Prijedlog Zakona je urađen sukladno Ustavu, pravnu sustavu, ali i ne sukladno Jedinštenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona” broj 5/08), a što u konkretnom slučaju i nije bilo moguće uskladiti s obzirom na činjenicu da se radi o izmjeni i dopunama Zakona o javnom redu i miru - Pročišćeni tekst („Službene novine Zeničko-dobojskog kantona”, broj 12/16 i 6/17) čiji osnovni tekst Zakona koji je donesen 2020. godine, nije u nomotehničkom smislu sukladan Jedinštenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona” broj 5/08) (u daljem tekstu: Jedinstvena pravila), te inzistiranje na primjeni istih u postupku izmjene i dopuna bi značilo odstupanje od koncepta osnovnog teksta Zakona.

S toga zbog posebnosti u odnosu na druge propise, a sukladno odredbi članka 1. stavak (3) Jedinštenih pravila nije obvezna primjena istih.

Kada je u pitanju prijedlog obrađivača da se Zakon donese po skraćenom postupku, bez nacрта, stajalište Tajništva je da se zakoni u pravilu, trebaju donositi redovitim postupkom.

Kako će o prijedlogu donošenja Zakona po skraćenom postupku odlučivati Skupština Zeničko-dobojskog kantona, kao o prethodnom pitanju, sukladno članku 140. stavak 3. Poslovnika Skupštine, stajališta smo da se Prijedlog Zakona može uputiti u dalju proceduru.

Dostavljeno:

1 x Naslovu

1 x U pismobranu

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutarnjih poslova
UPRAVA POLICIJE
29. 04. 2021

ORGANIZACIONA JEDINICA	REDNI BROJ	BROJ PRILOGA

Tajnik po ovlaštenju

Ruzica Jukić-Ezgeta

SKUPŠTINA

534.

Na osnovu člana 3. Zakona o izmjenama Zakona o javnom redu i miru ("Službene novine Zeničko-dobojskog kantona", broj: 4/16) i člana 44. stav (1) tačka d) Poslovnika Skupštine Zeničko-dobojskog kantona – Novi prečišćeni tekst ("Službene novine Zeničko-dobojskog kantona", broj: 7/12 i 12/13) Zakonodavno-pravna komisija Skupštine Zeničko-dobojskog kantona, na 30. sjednici održanoj 29.11.2016. godine, utvrdila je Prečišćeni tekst Zakona o javnom redu i miru.

Prečišćeni tekst Zakona o javnom redu i miru obuhvata: Zakon o javnom redu i miru ("Službene novine Zeničko-dobojskog kantona", broj: 8/00), Zakon o izmjenama i dopunama Zakona o javnom redu i miru ("Službene novine Zeničko-dobojskog kantona", broj: 15/03), Zakon o izmjenama Zakona o javnom redu i miru ("Službene novine Zeničko-dobojskog kantona", broj: 11/07), Zakon o izmjeni i dopunama Zakona o javnom redu i miru ("Službene novine Zeničko-dobojskog kantona", broj: 8/08) i Zakon o izmjenama Zakona o javnom redu i miru ("Službene novine Zeničko-dobojskog kantona", broj: 4/16) u kojima su označeni dani stupanja na snagu tih zakona.

**ZAKON
O JAVNOM REDU I MIRU**
- Prečišćeni tekst -

Član 1.

Ovim zakonom uređuje se javni red i mir na području Zeničko-dobojskog kantona (u daljem tekstu: Kanton), utvrđuju djela kojima se povređuje javni red i mir i propisuju prekršajne sankcije za postupke i ponašanja kojima se narušava i ugrožava sigurnost i lično dostojanstvo građana na javnim mjestima, vrijeđa moral, ometa rad organa vlasti, privrednih društava i drugih lica, pravilno korištenje javnih, poslovnih, stambenih i drugih

objekata, ugrožava sigurnost imovine, prodaje, kupuje ili nudi domaći ili strani novac, propisuju uvjeti i postupak za priređivanje javnih skupova, vatrometa i sličnih priredbi, kao i druga djela kojima se povređuje javni red i mir.

Član 2.

Pod javnim mjestom u smislu ovog zakona smatra se mjesto na kojem je slobodan pristup neodređenom broju lica bez ikakvih uvjeta (ulice, trgovi, javni putevi, parkovi, izletišta, čekaonice, ugostiteljske, trgovinske i zanatske radnje, sredstva i objekti javnog prevoza i sl.) ili pod određenim uvjetima (sportski stadioni i igrališta, bioskopske, pozorišne i koncertne sale, izložbene prostorije i sl.), kao i druga mjesta koja u određenom vremenskom periodu služe za ovakve svrhe (zemljišta ili prostorije u kojima se održavaju javni skupovi, takmičenja i sl.).

Kao javno mjesto smatra se i svako drugo mjesto ako je dostupno vidiku sa javnog mjesta (balkoni, terase, hodnici, dvorišta i sl.), te stanovi u stambenim zgradama, kada se u njima ili iz njih narušava javni red i mir u slučajevima posebno propisanim ovim Zakonom.

Član 3.

Prekršaj javnog reda i mira čini:

1. ko na javnom mjestu narušava javni red i mir svađom, vikom, nepristojnim ili drskim ponašanjem;
2. ko na javnom mjestu narušava javni red i mir učestvovanjem u tuči, zlostavljanjem ili fizičkim napadom na drugog, ili ko izazove tuču, odnosno zlostavljanje ili fizički napad na drugog;
3. ko na javnom mjestu narušava javni red i mir naročito drskim ponašanjem;
4. ko ugrožava sigurnost ili izaziva osjećanje ugroženosti drugog lica prijetnjom da će napasti na njegov život ili tijelo;

5. ko ne postupi po naredbi ili rješenju organa vlasti kojim se zabranjuje pristup ili zadržavanje na određenom mjestu ili ometa ili omalovažava organe vlasti, privredna društva, odnosno druga pravna lica koja vrše javna ovlašćenja ili njihova službena lica, odnosno odgovorna lica prilikom vršenja ili u vezi sa vršenjem službenih poslova i zadataka, ili ko ne postupi po određenom zakonitom zahtjevu njihovog službenog lica;
6. ko na javnom mjestu govorom, pisanjem ili na drugi način vrijeđa vjerska, nacionalna, moralna i rasna osjećanja građana;
7. ko neovlašteno na javnom mjestu prodaje, kupuje ili mijenja domaći ili strani novac ili papire od vrijednosti;
8. ko na javnom mjestu, bez odobrenja nadležnog organa, prodaje ili nudi na prodaju ulaznice za sportske i druge priredbe po cijenama višim od označenih;
9. ko na javnom mjestu pocijepa ili na drugi način uništi ili ošteti novac države BiH;
10. ko ukloni, pocijepa ili na drugi način ošteti javno istaknute objave, odnosno oglase organa vlasti, privrednih društava i drugih pravnih lica, ako su oni istaknuti u skladu sa propisima Kantona odnosno općine, ili spriječi isticanje ili istiche te javne objave ili oglase suprotno propisima Kantona odnosno općine;
11. ko se drugom lažno predstavi u pogledu svoje službene ili društvene funkcije, odnosno položaja ili ko upotrijebi lažne lične podatke kao svoje ili ko potvrdi tuđe lažne lične podatke, kao i ko neovlašteno nosi službene oznake;
12. ko daje alkoholna pića pijanom licu, maloljetniku, duševno bolesnom licu ili licu zaostalog duševnog razvoja;
13. ko na javnom mjestu uživa opojnu drogu ili psihotropne supstance;
14. ko prosjači ili se odaje skitnji;
15. ko navodi na prosjačenje maloljetno lice ili duševno bolesno lice ili lice zaostalog duševnog razvoja;
16. ko igra hazardnu igru ili drugu sličnu igru tako da igra gubi društveno-zabavni karakter, ili ko za to iznajmi, odnosno ustupi prostorije;
17. ko se odaje prostituciji ili ko iznajmi, odnosno ustupi prostorije za vršenje prostitucije;
18. ko drugog navodi na prostituciju ili posreduje u vršenju prostitucije;
19. ko na javnom mjestu organizovanjem ili izvođenjem ili reprodukcijom muzike narušava javni red i mir;
20. ko neopravdano zalazi ili se neopravdano zadržava u zajedničkim prostorijama (stubište, tavan, podrum, šupe, ograđeno dvorište i si.) stambene zgrade u kojoj ne stanuje ili na privatnom posjedu bez saglasnosti vlasnika, odnosno posjednika;
21. ko na javnom mjestu ustupa, prodaje, kupuje ili nudi petarde i druga pirotehnička sredstva bez odobrenja nadležnog organa;
22. ko na javnom mjestu puca iz vatrenog oružja, pali rakete, petarde ili sličan eksplozivni ili zapaljivi materijal bez odobrenja nadležnog organa;
23. ko priredi vatromet ili sličnu priredbu bez propisane najave ili mimo zabrane nadležnog organa ili ko ne preduzme mjere obezbjeđenja koje je dužan preduzeti po odredbi člana 5. stav 3. ovog Zakona;
24. ko neovlašteno vrši fotografisanje ili skiciranje objekata ili mjesta koja su označena kao zabranjena za fotografisanje ili skiciranje;
25. roditelj, usvojlac, odnosno staralac maloljetnika koji je učinio prekršaj protiv javnog reda i mira propisan ovim zakonom, ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su da takav nadzor vrše;
26. roditelj, usvojitelj, odnosno staratelj malodobnog djeteta koje je od strane policijskog službenika u periodu od 01.06. do 31.08. tekuće godine zatečeno na javnom mjestu u vremenu od 24,00 do 5,00 sati, a u periodu od 01.09. tekuće do 31.05. naredne godine zatečeno na javnom mjestu u vremenu od 23,00 do 5,00 sati bez nadzora roditelja, usvojitelja, odnosno staratelja.

Odredbe tačke 5. ovog člana odnose se na organe vlasti, privredna društva i druga pravna lica i njihova odgovorna lica samo u pogledu vršenja javnih ovlašćenja.

Član 3a.

Kao naročito drsko ponašanje iz člana 3. stav 1. tačka 3. smatra se grubo vrijeđanje drugog lica ili drugo bezobzirno ponašanje kojim se ugrožava sigurnost građana ili kojim se može izazvati osjećanje ugroženosti, uzmenirenosti ili negodovanja građana.

Član 4.

Za prekršaje iz člana 3. stav 1. tač. 1. do 10. i tačke 14. ovog zakona učinilac će se kazniti i kada je prekršaj izvršen;

1. u prostorijama organa vlasti, privrednih društava i drugih pravnih lica;
2. u zajedničkim prostorijama (dvorište, stubište, podrum, šupe, tavan i sl. stambene zgrade) u kojoj je nastanjeno više stanara, kad je u te prostorije omogućen pristup i licima koja ne stanuju u toj zgradi, odnosno stubištu;
3. na drugim mjestima kad je usljed blizine ili izloženosti vidiku izvršenom radnjom narušen javni red i mir.

Član 5.

Priredivanje vatrometa i sličnih priredbi mora se prijaviti policijskoj upravi Ministarstva unutrašnjih poslova Kantona, (u daljem tekstu: policijska uprava) na čijem području će se priredba održati najkasnije 15 (petnaest) dana prije održavanja priredbe.

U prijavi, pored ostalog, mora se navesti mjesto, vrijeme i svrha održavanja priredbe, količina pirotehničkih sredstava koja će se upotrijebiti kao i mjere obezbjeđenja koje će se preduzeti.

Priredivač je dužan da sprovodi mjere obezbjeđenja koje mu rješenjem odredi policijska uprava.

Policijska uprava može zabraniti održavanje priredbe iz stava 1. ovog člana ako to zahtijevaju razlozi javne bezbjednosti. U tom slučaju nadležni organ dužan je donijeti rješenje o zabrani i dostaviti ga priredivaču najkasnije 7 dana prije održavanja priredbe.

Žalba izjavljena protiv rješenja iz st. 3. i 4. ovog člana ne odlaže izvršenje.

Član 6.

Učinilac će se kazniti:

1. za prekršaj iz člana 3. tačka 2., 3., 4., 5., 13., 17., 18. i 22. ovog zakona novčanom kaznom od 200-500 KM .
2. za prekršaj iz člana 3. tačka 6., 7., 9., 14., 15., 16., 20. i 21. ovog zakona novčanom kaznom od 150-400 KM .
3. za prekršaj iz člana 3. tačka 8., 10., 11., 12., 19., 23., 24., 25 i 26. ovog zakona novčanom kaznom od 100-300 KM.
4. za prekršaj iz člana 3. tačka 1. ovog zakona novčanom kaznom od 50 KM.

Član 7.

Novčanom kaznom od 500 do 5.000 KM kaznit će se za prekršaj privredno društvo ili drugo pravno lice koje iznajmi odnosno ustupi prostorije za igranje hazardnih i njima sličnih igara (član 3. tačka 16.) ili za vršenje prostitucije (član 3. tačka 17).

Za prekršaj iz prethodnog stava kaznit će se odgovorno lice u privrednom društvu ili drugom pravnom licu novčanom kaznom od 100 do 500 KM.

Građanin koji samostalno obavlja ugostiteljsku djelatnost (u daljem tekstu: ugostitelj) koji iznajmi ili ustupi prostorije u ugostiteljskoj radnji za igranje hazardnih ili njima sličnih igara ili za vršenje prostitucije, kaznit će se za prekršaj novčanom kaznom od 500 do 5.000 KM.

Za prekršaj iz prethodnog stava kaznit će se i lice kome je povjereno vođenje ugostiteljske radnje novčanom kaznom od 100 do 500 KM.

Član 8.

Privredno društvo ili drugo pravno lice, odgovorno lice u tom privrednom društvu ili drugom pravnom licu, imalac radnje ili lica kome je povjereno vođenje radnje, dužni su preduzimati mjere za održavanje javnog reda i mira u njihovim poslovnim prostorijama kada je to moguće bez opasnosti za sebe ili drugog i slučajeve narušavanja javnog reda i mira odmah prijaviti policijskoj upravi ili službeniku policije.

Privredno društvo ili drugo pravno lice koje ne postupi po odredbama prethodnog stava kaznit će se za prekršaj novčanom kaznom od 100 do 4.000 KM.

Za prekršaj iz stava 1. ovog člana kaznit će se odgovorno lice u privrednom društvu ili drugom pravnom licu, novčanom kaznom od 50 do 800 KM.

Imalac radnje koji ne postupi po odredbi stava 1. ovog člana kaznit će se za prekršaj novčanom kaznom od 100 do 3.000 KM, a lice kome je povjereno vođenje radnje od 50 do 200 KM.

Za prekršaj iz prethodnog stava imaocu radnje može se izreći zaštitna mjera zabrane obavljanja samostalne djelatnosti.

Imalac radnje koji postupi protivno izrečenoj zaštitnoj mjeri iz stava 5. ovog člana kaznit će se za prekršaj novčanom kaznom od 1.000 do 5.000 KM.

Član 9.

Za prekršaj iz člana 3. tačka 23. ovog zakona pravno lice kaznit će se novčanom kaznom od 100 do 3.000 KM, a odgovorno lice u pravnom licu novčanom kaznom od 50 do 1.000 KM.

Član 10.

Za prekršaj iz člana 3. stav 1. može se izreći i zaštitna mjera oduzimanja predmeta koji su upotrijebljeni ili su bili namjenjeni za izvršenje prekršaja, ili su nastali izvršenjem prekršaja.

Za prekršaje iz člana 3. stav 1. ovog zakona strancu se može izreći i zaštitna mjera udaljenje stranca sa teritorije Kantona u trajanju od šest mjeseci do tri godine.

Zaštitne mjere po odredbama st. 1. i 2. ovog člana mogu se izreći i ako kazna za prekršaj nije izrečena.

Član 11.

Službenici policije, kada u vršenju službenih poslova i zadataka saznaju za prekršaj propisan ovim zakonom, mogu privremeno oduzeti predmete koji su upotrijebljeni ili su bili namjenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.

O privremenom oduzimanju predmeta službenici policije licu od koga su oduzeti predmeti izdaju potvrdu koja sadrži naziv i sjedište organa čiji je službenik oduzeo predmete, naziv, vrstu i količinu oduzetih predmeta, ime i prezime lica od koga su oduzeti predmeti i njegovu adresu, razlog oduzimanja, datum, vrijeme i mjesto oduzimanja, pečat i potpis ovlaštenog lica.

Član 12.

Općinsko vijeće može, u skladu sa članom 1. ovog zakona, svojom odlukom propisati i druge prekršaje protiv javnog reda i mira.

Član 13.

Danom stupanja na snagu ovog zakona, na području Zeničko-dobojskog kantona, neće se primjenjivati Zakon o javnom redu i miru - prečišćeni tekst ("Službene novine SR BiH", broj 42/90).

Broj: 01-02-1910-1/16

Datum, 29.11.2016. godine

Z e n i c a

**PREDSJEDAVAJUĆI
ZAKONODAVNO-PRAVNE
KOMISIJE**

Ramo Pivić, s.r.

.....

Vlada Kantona imenovat će u roku od 60 dana od dana stupanja na snagu ovog zakona, Stručnu komisiju za pripremu Strategije razvoja sporta Zeničko-dobojskog kantona.

Stručna komisija iz stava 2. ovog člana pripremiće Nacrt Strategije u roku od godinu dana od dana njenog imenovanja.

Član 57.

Podzakonski akti za izvršavanje ovog zakona bit će doneseni u roku od šest mjeseci od dana stupanja na snagu ovog zakona.

Član 57a.

Sve imenice upotrijebljene u ovom zakonu samo u muškom ili samo u ženskom rodu, odnose se na oba spola.

Član 57b.

Na sva ostala pitanja koja nisu uređena ovim zakonom primjenjuje se Zakon o sportu u Bosni i Hercegovini.

Član 58.

Danom stupanja na snagu ovog zakona na teritoriju Zeničko-dobojskog kantona neće se primjenjivati Zakon o tjelesnoj kulturi („Službeni list SR BiH“, broj 24/91. i „Službeni list R BiH broj 3/93 i 13/94).

Član 59.

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-6550-1/17
Datum, 05.05.2017. godine
Z e n i c a

**Predsjedavajući
Zakonodavno-pravne komisije**

Ramo Pivić, s.r.

156.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 40. sjednici održanoj dana 08.05.2017. godine, donosi

Z A K O N O DOPUNAMA ZAKONA O JAVNOM REDU I MIRU

Član 1.

U Zakonu o javnom redu i miru-Prečišćeni tekst („Službene novine Zeničko-dobojskog kantona“, broj: 12/16), u članu 3. iza tačke 26. dodaju se nove tačke 27. i 28. koje glase:

" 27. ko prikuplja dobrovoljne priloge protivno odredbama člana 5a. ovog zakona,

28. ko na javnom mjestu vrši fiziološku potrebu ili izloži intimne dijelove tijela pogledu drugih."

Član 2.

Iza člana 5. dodaje se novi član koji glasi:

"Član 5a.

Dobrovoljni prilozi (u daljem tekstu: prilozi) građana mogu se prikupljati u skladu sa odredbama ovog zakona.

Priloge mogu prikupljati pravna lica, humanitarne ili druge organizacije, kao i građani ako za to imaju odobrenje načelnika općine, odnosno gradonačelnika grada na čijem području se prilozi prikupljaju.

Zahtjev za izdavanje odobrenja za prikupljanje priloga, pored ostalog, mora sadržavati cilj, svrhu i način prikupljanja, podatke o mjerama koje će se preduzeti radi osiguranja od eventualnih zloupotreba u vezi prikupljanja, vrijeme za koje se traži odobrenje i mjesto prikupljanja priloga.

Pravno lice, humanitarna ili druga organizacija i građani kojima je odobreno prikupljanje priloga, dužni su preduzeti mjere koje su naložene odobrenjem za prikupljanje priloga.

Načelnik općine, odnosno Gradonačelnik Grada rješenjem će odbiti zahtjev iz stava 3. ovog člana ukoliko prikupljanje priloga može izazvati uznemirenje građana ili narušiti javni red i mir, ili ako cilj i svrha prikupljanja priloga nije opravdana.

Prikupljanje priloga može se rješenjem zabraniti ukoliko nastupi jedan od uslova utvrđenih u stavu 5. ovog člana, ili ako se utvrdi da se ne sprovode naložene mjere osiguranja ili su u zahtjevu navedeni netačni podaci o cilju ili svrsi prikupljanja.

Protiv rješenja iz stava 5. i 6. ovog člana može se izjaviti žalba u roku od 15 dana nadležnom Općinskom ili Gradskom organu uprave koji je izdao rješenje.

Žalba iz stava 7. ovog člana ne odlaže izvršenje rješenje.

Odobrenje iz stava 2. i 3. ovog člana nije potrebno u slučaju kada:

1. se prilozi prikupljaju u okviru privrednog društva ili drugog pravnog lica za zajedničke potrebe ili potrebe pojedinih zaposlenika tog privrednog društva ili drugog pravnog lica,
2. prikupljanje priloga organizuje mjesna zajednica na svom području ili kućni savjet u zgradi kojom upravlja, radi određenih ciljeva u okviru djelatnosti mjesne zajednice, odnosno kućnog savjeta,
3. se prilozi prikupljaju umjesto ulaznica za priredbe koje organizuju politička udruženja, sindikati, udruženja građana i drugi oblici udruživanja i organizovanja, a u skladu sa programom svojih aktivnosti,
4. se provodi u službenim, poslovnim prostorijama i
5. prikupljaju humanitarne organizacije u okviru svoje registrovane djelatnosti.

Član 3.

U članu 6. u tački 1. iza broja "22." stavlja se zarez i dodaju riječi 27. i 28."

Član 4.

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-7078/17
Datum, 08.05.2017. godine
Z e n i c a

PREDSJEDAVALAČI
Jasmin Duvnjak, s.r.

157.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), Skupština Zeničko-dobojskog kantona, na 40. sjednici, održanoj 08.05.2017. godine, d o n o s i

O D L U K U

o usvajanju Elaborata o opravdanosti promjene naziva Fakulteta za metalurgiju i materijale Univerziteta u Zenici u Metalurško-tehnološki fakultet Univerziteta u Zenici

Član 1.

Usvaja se Elaborat o opravdanosti promjene naziva Fakulteta za metalurgiju i materijale Univerziteta u Zenici u Metalurško-tehnološki fakultet Univerziteta u Zenici.

Član 2.

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-38-7080/17
Datum, 08.05.2017. godine
Z e n i c a

PREDSJEDAVALAČI
Jasmin Duvnjak, s.r.

158.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), Skupština Zeničko-dobojskog kantona, na 40. sjednici, održanoj 08.05.2017. godine, d o n o s i

O D L U K U

o promjeni naziva Fakulteta za metalurgiju i materijale Univerziteta u Zenici u Metalurško-tehnološki fakultet Univerziteta u Zenici

Član 1.

Mijenja se naziv Fakulteta za metalurgiju i materijale Univerziteta u Zenici u Metalurško-tehnološki fakultet Univerziteta u Zenici.